

太上說南斗六司延壽度人妙經

爾時太上老君於永壽元年正月十五日上元之辰再降於成都太昊玉女修丹之所地神復湧玉局寶座於是

老君昇于座中告道陵曰夫九天八會之真

文三洞三清之上道乃

元始天尊昔經歷于七億萬劫天地始終人倫生死五運遷變萬彙興衰而天尊於是宴

居景雲之上上清之境修鍊至真救劫妙道

愍念蒼生大慈不捨吾昔得傳付是經今當

授之於汝汝宜選奉道之士謹修行之人天

陽地陰一合而生成日月兩曜兩曜行度五

緯周天是謂七政則七星九元北斗也每以

杓隨月建分指節氣二十四氣二十八舍應

下土七十二候三十六禽舍中有斗宿六星

是則號南斗六司與北斗七政分職共理三

才六合八卦九官總轄中外百辟官品乃紫

微太微兩極都曹也上係十二分次天真靈

神下統十二分野地祇主者四瀆五嶽九州

八紘名山大川城隍社廟中及人民羣類萬

物無不繫其簿籍掌握北斗位處坎宮名同

月曜降神於人名之為魄也主司陰府宰御

水源將濟生聚功莫大焉南斗位處萬宮名

同日曜降神於人名之為魂也主司陽官宰

御大帝將濟動用德莫大焉洎有天地迄至

于今二司兩極同共陶鑄萬品生成萬物注

擬天人之爵秩增減士庶之祿俸延促年齡

去留災福莫不由其與奪也所以然者乃知

陽日陰月南北二司魁斗懸網受性水火稟

質陰陽助天地而育物體道德而垂光物得

而豐也非此而孰能乎人得而生也非此而

孰為乎是故天尊愍愍嗟觀爾舍靈一如

赤子闢放救護令保生性其救護法使一切

善男子善女人不以高卑皆應至心常行恭

仰於所見時觀日曜月曜南斗北斗則鄭重

叩頭請乞祐護願賜恩福上言呼稱

至聖至尊真宰真君於衰凡冗宥赦過欲即

再拜不得懷於輕慢反招殃累

老君曰爾等男女能依吾所授奉教而行若

若有所告請欲消災度厄增福延年保家屬

之團圓祝封疆之寧謐或免息塚訟削死注

生皆當上章投詞設醮求請無不如意也於

是若君為道陵重宣言曰

南斗火官除毒害 北斗水神滅凶災

一切所求皆稱遂 萬般滯悶悉通開

能依經法冥心懺 必當隨願契靈臺

凡在有清常頂禮 禍厄無因輒敢來

老君曰神真之妙凡世難言凡夫愚昧貴連

賤近近者身也日見日月星斗耳聞風雷詔

雅鼻嗅蘭麝醒醒舌了甘辛酸苦口宣言語

音響至於手執足行自生及老皆不可離于

水火今凡夫見之若不見聞其言如甚曠殊

不知成立生性實是天地日月星斗與之假

於四大正茲一氣生生之生全繫水火水火

比於道之真體故不可暫離可離而獲存者

非物非人吾今叮嚀與在世男女說此要道

普令發心求請懺獻知有神真信吾教示更

能於四時月且八節二十四氣三元三會五

臘本命是諸良時吉日皆可上章拜表投詞

獻款請乞恩福謝過懺罪消災然燈獻果供

高二

高二

高二

春拜請其福無量

南斗第一天府司命上將鎮國真君




南斗第二天相司錄上相鎮獄真君



南斗第三天梁延壽保命真君




南斗第四天同益算保生真君



南斗第五天樞度厄文昌錄魂真君



南斗第六天機上生監簿大理真君



右符六道朱書男左女右佩帶令人長命無諸災害

道言六星真君六星童子大鈴將軍凡人轉誦此經切須至誠虔心禱祝無不應驗唯在精懇拜表上章真聖自降必獲延年長生道性

老君曰此六司真君神性急速能傾心求請無願不從神真感人心隨事皆諧偶也且夫萬行之本一身之根在乎道氣保固形命形命係固在乎教法教法存乎科儀之細密聲

發靈應形動影隨形從心移發足動步神靈微妙

南斗北斗陶魄鑄魂既受鍊乃還轉生人能依吾教法謝已往之非補將來之短洗滌眾災拜迎百福唯在嚴潔恭敬聲志誠必

獲度世之仙道與日月之同年若有深信之士能修設兩極二斗同醮一壇各像斗星立

壇柱列香燈鋪排淨茅供獻果食可糖餅油茶煎菓湯細此最為要道以斯迎請神真真聖歡喜降臨得賜其福祐惟時

老君讚此妙經既竟天師道陵及諸弟子再拜禮謝信受奉行

太上說南斗六司延壽度人妙經